

河南府志卷之九

山川志三

宜陽山

陽山之首起盧氏熊耳山東入嵩縣爲釐山

山海經釐山其陽多玉其陰多蒐有獸焉其狀如牛蒼身其音如嬰兒其名曰犀渠瀟瀟之水出焉而南流注于伊水有獸焉名曰獺其狀如獬犬而有鱗其毛如豸鬣

名勝志釐山在嵩縣西

嵩縣志釐山連鉄嶺山海經其陰多蒐今白土街山多積草是也在縣西二百里

按山海經扶豬山西一百二十里曰釐山水經注以釐山瀟瀟之水出陸渾西南王母澗今據扶豬在宜陽南又西南爲嵩縣西王母澗北山相去可六七十里與經所謂百二十里者古今里數甚合而嵩志以爲卽白土街山在縣西二百里西接盧嵩界何也蓋自白土街山東至蠻峪嶺凡伊北之山通得曰釐山按山海經釐山西二百里曰箕尾之山又西二百五十里曰柄山凡四百五十里當今二百七十里二山應在盧嵩永寧界間但今無古名可稽姑依嵩志以白土街山爲釐山

又東北界永寧嵩縣爲松楊山

水經注松楊溪水出松楊山北流注於洛

按唐志長水縣有松楊故關永寧志縣西八十里有崇陽鎮南通大界嶺爲崇陽溝崇松音轉楊陽字譌崇陽卽松楊大界嶺卽松楊山又紀要永寧西南百二十里有十八盤嶺接盧氏縣界

又東爲攢盤山

永寧志攢盤山在縣西南八十五里

又東爲金門山

後漢郡國志宜陽有金門山山竹爲律管

水經注金門谿水南出金門山北逕金門塢西北流入于洛
洛黍良谷水南出金門山東北流注于洛

李通志金門山在永寧南三十里一名律管山九州要記
金門之竹可爲笙管

按水經注謂金門谿水南出金門山乃永嵩界嶺大山
志謂在永寧南三十里乃據界嶺北小山形如金字者
言之並詳洛水下

又東爲陰山

水經注太陰谷水南山太陰谷

流注于洛

隋書地理志宜陽有陰山

按今永寧古宜陽地隋志

山俗又呼蓮花頂其下有太陰谷水乃陰山之谷也伊

南有陽山伊北有陰山兩山

遙對陰陽分立受各自古矣

又東界宜陽嵩縣爲女几山

卽姑媯山亦曰宜陽山

山海經姑媯之山帝女死焉其名曰女尸化爲萑草其葉

胥成其華黃其實如菟邱服之媚於人

水經注渠谷水出宜陽縣南女几山東北逕雲中塢在上

逕躡層峻流煙半垂纓帶山阜故塢受其名臧榮緒晉書

稱孫登嘗經宜陽山作炭人見之與語登不應作炭者覺

其精神非常咸共傳說太祖聞之使阮籍往觀與語亦不應籍因大嘯登笑曰復作向聲又爲嘯求與俱出登不肯籍因別去登上峰行且嘯如簫韶笙簧之音聲振山谷籍怪而問作炭人作炭人曰故是向人聲籍更求之不知所止推問久之乃知姓名又孫綽敘高士傳言在蘇門山

李賀集白蘭香神女上昇遺凡在焉曰女几山

名勝志女几山在宜陽西九十里乃晉女彭娥汲器所化之地唐羊士諤詩女几山頭春雪消路傍仙杏發柔條心期欲去知何日惆悵回車上野橋宋邵雍詩予看山多矣未嘗逢此奇巨嵯如格虎險石若張旂雲氣閒舒卷巖形

屢改移丹青難盡處四面盡如斯

按女几山俗呼化姑山卽山海經姑嫿之山但經作女尸後人作女几尸几字似譌而水經注又作女机則神女遺几之說必有所傳至名勝志言彭娥汲器所化則女几又當作女汲並存之

女几南爲七谿山

水經注七谷水西出女机山之南七谿山上有西王母祠又東南爲伏流山

水經注伊水逕伏流嶺東嶺上有崑崙祠民猶祈焉劉澄之永初記稱陸渾縣西有伏流坂者也今山在縣南崖口北三十里許西則非也

按伏流山卽今陸渾嶺上有伏流城卽東魏所置南陸渾道元謂在陸渾南乃北陸渾之南

女几東爲苦山

卽太山一名岳頤山

山海經姑嫺山東二十里曰苦山有獸焉名曰山膏其狀如逐赤若丹火善噉其上有木焉名曰黃棘黃華而員葉其實如蘭服之不字有草焉員葉而無莖赤華而不實名曰無條服之不癭

隋書地理志宜陽有太山

宜陽志岳頂山峻極不可攀躋由山麓至山頂六十里

又東爲鹿陂山

卽露寶山

水經注焦澗水西出鹿陂山

方輿紀要露寶山在嵩縣北六十里產錫礦上有古寨一

按露寶卽鹿麟之轉又嵩縣東有節山多岩洞與縣西大礪山皆產錫縣北有黃松嶺產鉛類附此

又東爲方山

卽介立山

水經注焦澗水東流孤山南其山介立豐上單秀孤峙故世謂之方山卽劉中書澄之所謂縣有孤山者也

方輿紀要陸渾山在嵩縣東北四十里一名方山

李通志介立山在嵩縣北四十里一名孤山唐武后巡幸至此見神仙立雲霧中或隱或見

禹貢錐指金吉甫謂嵩高不得與江夏內方相爲內外據唐志陸渾山一名方山蓋古外方云此說非是嵩高當禹時未爲中嶽卽爲中嶽而仍名外方與東岱西華南衡北

恒一例理無可疑且陸渾方山亦何以知其爲外方乎

按通志及紀要又有思遠山俗呼西巖山皆方山也

又凡東北爲陸渾西山

水經注渭水出陸渾西山在陸渾縣西九十里

見伊水注黑澗

水南出陸渾西山

見洛水注

按渭水今鳴臯順陽河水黑澗水今宜陽治西皂澗水皂澗西南俗猶呼黑山皆陸渾西山也

又東北爲元望山

水經注土溝水出元望山西逕元望山南東入于伊

按土溝水今闕外府店水

元望山北抵宜陽治爲錦屏山

名勝志錦屏山在宜陽南門外春時花卉繁盛如錦唐武
后遊此賜今名上有玉柱峰下有烟霞亭諸勝唐呂巖詩
時當海晏河清日白鹿閒騎下翠臺本爲君平川裏去不
妨却到錦屏來宋邵雍詩錦屏山映一川霞桃李爭妍二
月花試白宜陽高處望故宮翻作野人家

錦屏西爲石墨山

水經注洛水之側有石墨山山石盡黑可以書疏故以石
墨名山

隋書地理志興泰有石墨山

李通志石墨山在宜陽西南二里

錦屏東爲壽山

李通志在陽東十三里隋置壽安縣蓋取諸此

元望山東北扶豬山

山海經鹿山山西五十里曰扶豬之山其上多礪石有獸

焉其狀如而人目其名曰麇號水出焉而北流注于洛

其中多璫

水經注號水出林褚之山北流注于洛其南則鹿蹄之山

也其山陰則峻絕百仞陽則原阜隆平

按扶豬林褚傳寫字譌經謂扶豬在鹿蹄西注誤爲鹿蹄在南扶豬在北蓋二山本連體扶豬卽今青龍口山鹿蹄卽今老龍廟山道元又謂山陰峻絕百仞陽則原阜隆平似又通林褚鹿蹄爲一山言之矣並詳洛水下

又東爲鹿蹄山

〔山海經〕鹿蹄之山其上多玉其下多金甘水出焉而北流注于洛

〔水經注〕鹿蹄山在河南陸渾縣故城西北俗謂之縱山水之所導發于山曲之中故世人目其所爲甘棠焉

〔方輿紀要〕鹿蹄山在宜陽東南五十里一名縱山或謂之非山唐龍翔元年畋于非山是也

按洛水注謂鹿蹄山卽非山甘水注水出鹿蹄又與非山水會別鹿蹄非山爲二其實一山也

又東北入洛陽抵伊闕爲龍門山

卽鍾山

〔隋書地理志〕興泰有鍾山

方輿紀要關塞山在洛陽南三十里一名闕口山一名鍾
山山東曰香山西曰龍門大禹疏以通水兩山對峙石壁
峭立望之若闕伊水歷其門又有龍門龕魏景明初嘗遣
宦者白整鑿二佛龕于龍門其後宦者劉騰復鑿一龕皆
高百尺用工數十萬又正始初魏主幸伊闕熙平初胡太
后作石窟寺于伊闕口極土木之美又龕澗在伊闕旁八
節灘在龍門下

隋書本紀煬帝登北邙觀伊闕謂侍臣曰得非龍門耶自
古何不建都于此侍臣蘇威對曰以俟陛下耳遂定都焉
唐書宋之問傳武后游洛南龍門詔從臣賦詩左史東方

蚪詩先成后賜錦袍之問俄頃獻后覽之嗟賞更奪袍以賜之問

邵氏聞見錄龍門有利涉院宋呂蒙正與溫仲舒讀書于院之士窟中後蒙正狀元及第仲舒第三名文穆詩曰怪得池塘春水滿夜來雷雨起南山蓋自况也

按伊水自闕口出東北至偃師入洛伊洛間有委栗山在古洛陽城南曹魏景初元年營圓丘于此後魏太和十九年如委栗山定圓丘水經注引地記曰洛水東入于中提山問東流會于伊中提山者委栗之別名也委栗在闕口東山北不屬于闕口東山而屬于闕口西山以小阜非大山不列附見于此

曰宜陽山之首釐山至龍門山凡十九山經府屬嵩縣永寧宜陽洛陽四縣凡三百七十里

河南府志卷之十

山川志四

三塗山

三塗山之首起盧氏熊耳入嵩縣爲郭落山

卽山

山海經陽山多石無草木陽水出焉而北流注于伊水其中多化蛇其狀如人面而豺身鳥翼而蛇行其音如叱呼見則其邑大水

水經伊水東北過郭落山注陽水出陽山陽谿

嵩縣志郭落山名摩頭嶺伊水入境

郭落東南爲攻離山

山海經支

當作攻

離之山清水出焉南流注于漢

水經清水出宏農廬氏縣攻離山

嵩縣志攻離山在縣南二百五十里

郭落東爲伏牛山

卽猛山

水經注地理志曰汝水出高陵山卽猛山

名勝志伏牛山在嵩縣南三百里唐自在禪師修行之所

又其地有石扇山山上有石如扇故名宋之間遊陸渾南

山自歇馬嶺到楓香林以詩代書答李舍人適詩云晨登

歇馬嶺遙望伏牛山孤出羣峰首熊熊元氣間太和亦崔

嵬石扇橫閃倏細岑互攢倚浮巘競奔颺白雲遙入懷青